



МОНГОЛ УЛСЫН
ЭРҮҮЛ МЭНДИЙН САЙДЫН
ТУШААЛ

2021 оны 04 сарын 11 өдөр

Дугаар 4/196

Улаанбаатар хот

Эрчимт эмчилгээний бэлэн байдлыг хангах талаар авч хэрэгжүүлэх арга хэмжээний тухай

Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Эрүүл мэндийн тухай хуулийн 8 дугаар зүйлийн 8.8, 35 дугаар зүйлийн 35.2, Коронавируст халдвар /КОВИД-19/-ын цар тахлаас урьдчилан сэргийлэх, тэмцэх, нийгэм эдийн засагт үзүүлэх сөрөг нөлөөллийг бууруулах тухай хуулийн 7 дугаар зүйлийн 7.1.17, 9.15, Гамшгаас хамгаалах тухай хуулийн 15 дугаар зүйлийн 15.1.4, Засгийн газрын 2021 оны 91 дүгээр тогтоол, Улсын онцгой комиссын 2021 оны 02 дугаар тогтоолын 10 дахь заалтыг тус тус үндэслэн ТУШААХ нь:

1. Коронавируст халдвартай иргэнийг хэвтүүлэн эмчлэх тусламж, үйлчилгээ үзүүлэх эрүүл мэндийн байгууллагын үйлчлэх хүрээний хуваарийг хавсралтаар баталсугай.

2. Монгол Улсын хэмжээнд бүх нийтийн бэлэн байдлын зэрэгт шилжиж, коронавируст халдварын тархалтын улаан түвшинд шилжсэнтэй холбогдуулан ард иргэдийнхээ эрүүл мэндийг хамгаалах, халдварын цар тахлыг хохирол багатай даван туулах зорилгоор аймаг, дүүргийн эрүүл мэндийн байгууллага, төрөлжсөн мэргэшлийн эмнэлэг, тусгай эмнэлгийн эрчимт эмчилгээний бэлэн байдлыг хангахад чиглэн дараах арга хэмжээг авч ажиллахыг аймаг, нийслэлийн Эрүүл мэндийн газар, эрүүл мэндийн байгууллага, төрөлжсөн мэргэшлийн эмнэлэг, тусгай эмнэлгийн дарга, захирал нарт тус тус үүрэг болгосугай:

- 2.1. Эмнэлгийн орны дээд хязгаарт багтаан нийт орны 10 хувийг стандартад нийцсэн эрчимт эмчилгээний ор болгон, ажиллах хүний нөөц, тоног төхөөрөмж, эм, эмнэлгийн хэрэгслийн бэлэн байдлыг хангах; (уг эрчимт эмчилгээний оронд үндсэн тусламжийн ор орсон)
- 2.2. Эрчимт эмчилгээ, яаралтай тусламж, мэдээгүйжүүлгийн мэргэшсэн эмч, сувилагчийг коронавируст халдвартай хүнд, нэн хүнд өвчтөний эмнэлгийн тусламж, үйлчилгээнд ажиллуулах;
- 2.3. Коронавируст халдвартай иргэнд үйлчлэх эрчимт эмчилгээний тасгийн зохион байгуулалтыг эмч, эмнэлгийн мэргэжилтний ажиллах, амрах орчин нь халдварын сэргийлэлтийн дэглэм, журмын хэрэгжилтийг хангах нөхцөл бүрдүүлэх;
- 2.4. Эрчимт эмчилгээнд шаардлагатай хүний нөөцийн бэлэн байдлыг хангахад чиглэсэн төлөвлөлт, судалгаанд үндэслэн эмнэлгийн

141210983

мэргэжилтнийг сэлгүүлэн ажиллуулах, бусад эмнэлгээс дайчлах зэрэг зохион байгуулалтын арга хэмжээг авах;

- 2.5. Хүнд болон нэн хүнд өвчтөнг эмнэлэг хооронд шилжүүлэх асуудлыг эмнэлзүйн зөвлөх, эмнэлгүүдийн эмчилгээ эрхэлсэн орлогч, эрчимт эмчилгээний эмч нар харилцан зөвшилцөж шуурхай шийдвэрлэх, шаардлагатай тохиолдолд зөвлөн туслах, мэргэжил арга зүйн дэмжлэг үзүүлэх багийг төрөлжсөн мэргэшлийн эмнэлгээс томилох;
- 2.6. Коронавируст халдварт дэлгэсэн энгийн орны 50 хувьд хүчилтөрөгч эмчилгээ хийх нөхцөлийг бүрдүүлэх;
- 2.7. Ор дэлгэсэн эмнэлгийн үндсэн тусламж, үйлчилгээг тасалдуулахгүй байх зохицуулалтыг хийх;
- 2.8. Коронавируст халдварын оношилгоо, эмчилгээ, халдварын сэргийлэлтийн холбогдох журам, зааврын дагуу эмнэлгийн тусламж, үйлчилгээ үзүүлэх бэлэн байдлыг хангах;
- 2.9. Үйлчлэх хүрээний хуваарийн дагуу хариуцсан дүүргийн эмнэлгийн тусламж, үйлчилгээнд мэргэжил арга зүйгээр хангаж, дэмжин ажиллана.

3. Эрчимт эмчилгээний хүний нөөцийг бүрдүүлэхэд чиглэн дараах арга хэмжээг шуурхай зохион байгуулахыг Эрүүл мэндийн улсын алба-Тохиолдлын удирдлагын тогтолцооны Хүний нөөц, сургалтын баг (Б.Бумдэлгэр), Эрүүл мэндийн хөгжлийн төв (Б.Нарантуяа), эрүүл мэндийн байгууллагын удирдлагад тус тус үүрэг болгосугай:

- 3.1. Хүний нөөцийн бэлэн байдлын төлөвлөлт, судалгаанд үндэслэн дайчлан ажиллах эмнэлгийн мэргэжилтний нэгдсэн санг үүсгэх;
- 3.2. Дархлаажуулалт, тандалтын үйл ажиллагаанд дайчлагдаж байгаа эрчимт эмчилгээ, мэдээгүйжүүлэг, яаралтай тусламжийн эмч, эмнэлгийн мэргэжилтэн, резидент эмч нарыг эргүүлэн татах, эрхзүйн орчныг бүрдүүлэх;
- 3.3. Төр, хувийн хэвшил, мэргэжлийн нийгэмлэг холбоо, сургалт эрхлэх байгууллагатай хамтран эрчимт эмчилгээний сувилагчийн нөөцийг бүрдүүлэхэд чиглэсэн арга хэмжээг авах;
- 3.4. Ор дэлгэсэн эрүүл мэндийн байгууллагад нэмэлтээр дайчлан ажиллах эмнэлгийн мэргэжилтний нарийвчилсан төлөвлөлтийг гаргаж, баталгаажуулах;
- 3.5. Дайчлагдан ажиллах эмнэлгийн мэргэжилтнүүдэд эмнэлзүй, халдварын сэргийлэлт, сэтгэлзүйн сургалтыг зохион байгуулах, цахим хичээлийн санг бүрдүүлж судлах боломжийг бүрдүүлэх.

4. Үндэсний хэмжээнд эрчимт эмчилгээний оношилгоо, эмчилгээнд мэргэжил арга зүйн дэмжлэг үзүүлэх тогтолцоог бий болгоход чиглэсэн дараах арга хэмжээг зохион байгуулахыг Эрүүл мэндийн улсын алба-Тохиолдлын удирдлагын тогтолцооны Хариу арга хэмжээний багийн ахлагч, Эмнэлгийн тусламжийн бодлого, хэрэгжилтийг зохицуулах газар (Б.Буянтогтох), Эмнэлзүйн зөвлөх баг, Халдварт өвчин судлалын үндэсний төв (Л.Баттөр)-д тус тус даалгасугай:

- 4.1. Коронавируст халдварын хэвтүүлэн эмчлэх орны төлөвлөлтөд тодотгол хийж, нэмж дэлгэх орны нөөцийг гарган, холбогдох арга хэмжээг шуурхай зохион байгуулах;
- 4.2. Аймаг, дүүрэг, төрөлжсөн мэргэшлийн эмнэлэгт мэргэжил арга зүйн дэмжлэг үзүүлж, зөвлөн туслах чиг үүрэг бүхий эмнэлзүйн зөвлөх багийг шинэчлэн байгуулж, ажиллах хуваарийг гаргах;
- 4.3. Эмнэлгийн тусламж, үйлчилгээний нэгдсэн удирдлагаар хангаж ажиллах.

5. Коронавируст халдварын үеийн эрчимт эмчилгээний хүний нөөцийн хомсдох эрсдэлийг бууруулах зорилгоор эрчимт эмчилгээ, яаралтай тусламж, мэдээгүйжүүлгийн эмч нарыг дархлаажуулалтын давтан тунд яаралтай хамруулахыг дархлаажуулалтын ажлын хэсгийн ахлагч Төрийн нарийн бичгийн дарга (Ц.Эрдэмбилэг), Нийтийн эрүүл мэндийн бодлого, хэрэгжилтийг зохицуулах газар (Л.Энхсайхан)-т тус тус үүрэг болгосугай.

6. Коронавируст халдварыг эмчлэхтэй холбоотой шаардлагатай техник, тоног төхөөрөмж, эм, эмнэлгийн хэрэгслийн нөөцийн тооцоо, судалгааг гаргаж, санхүү, хөрөнгө оруулалтын багт өгөх арга хэмжээг шуурхай зохион байгуулахыг Эрүүл мэндийн улсын алба-Тохиолдлын удирдлагын тогтолцооны Нөөцийн хангалтын багийн ахлагч, Эм, эмнэлгийн хэрэгслийн хяналт, зохицуулалтын газрын дэд дарга (Н.Гэрэлт-Од), Эрүүл мэндийн салбарын эдийн засгийн бодлого, хэрэгжилтийн газар (Д.Нарантуяа)-т тус тус даалгасугай.


- 6.1. Эрчимт эмчилгээнд шаардлагатай унтуулах, тайвшруулах эм, антибиотик, шаардлагатай эмийн нөөц, хаалттай соруулгын систем, видео ларингоскопийн хангалтыг яаралтай бүрдүүлэх;
- 6.2. Хүчилтөрөгч ханган нийлүүлэгч үйлдвэртэй нийлүүлэлтийн тасралтгүй байдлыг хангахад чиглэсэн арга хэмээг авах;
- 6.3. Эрүүл мэндийн байгууллагын хүчилтөрөгчийн үйлдвэрийн тасралтгүй ажиллагааг хангах, хяналт тавих;
- 6.4. Цэргийн төв эмнэлэг, Улсын гуравдугаар төв эмнэлгийн ЭКМО аппаратын нийлүүлэлт, ашиглалтын бэлтгэл ажлыг шуурхай зохион байгуулах;
- 6.5. Коронавируст халдварын хэвтүүлэн эмчлэх энгийн орны 50 хувийг хүчилтөрөгчийн эмчилгээ хийх нөхцөлийг бүрдүүлэхэд чиглэн хэсэгчилсэн систем, хүчилтөрөгчийн баллон, шаардлагатай тоног төхөөрөмжөөр хангах;
- 6.6. Цусны хийжилтийг үзэх оношилгооны аппаратын хангалтын нэмэгдүүлэх.


7. Коронавируст халдварын тархалтын нөхцөл байдалд үндэслэн эрчимт эмчилгээний орныг нэмэгдүүлэхтэй холбогдуулан шаардагдах санхүүжилт, хөрөнгө оруулалтын тооцоог, тоног төхөөрөмжийн хангалт хийж, худалдан авалтыг зохион байгуулж, урвалж оношлуур шийдвэрлэж, дайчлагдан ажиллахад шаардагдах цалин урамшууллыг шийдвэрлэх, гүйцэтгэлийн санхүүжилтэд хяналт тавьж ажиллахыг Эрүүл мэндийн салбарын эдийн засгийн бодлого, хэрэгжилтийн газар

(Д.Нарантуяа), Эрүүл мэндийн даатгалын ерөнхий газар (Л.Бямбасүрэн)-т зөвшөөрсүгэй.

8. Коронавируст халдварын голомтын ариутгал, халдварын сэргийлэлт, тандалтын үйл ажиллагаанд мэргэжил арга зүйн дэмжлэг үзүүлж ажиллахыг Нийтийн эрүүл мэндийн бодлого, хэрэгжилтийг зохицуулах газар (Л.Энхсайхан), Нийгмийн эрүүл мэндийн үндэсний төв (Д.Нарантуяа), Зоонозын өвчин судлалын үндэсний төв (Н.Цогбадрах), Халдварт өвчин судлалын үндэсний төв (Л.Баттөр)-д даалгасугай.

9. Тушаалын хэрэгжилтэд хяналт тавьж ажиллахыг Дэд сайд (Б.Баттүвшин)-д даалгасугай.

САЙД  С.ЭНХБОЛД



Эрүүл мэндийн сайдын 2021 оны 04 дугаар сарын 11 өдрийн 198 дугаар тушаалын хавсралт

Коронавируст халдвартай иргэнийг хэвтүүлэн эмчлэх тусламж, үйлчилгээ үзүүлэх эрүүл мэндийн байгууллагын үйлчлэх хуваарь

Эмнэл зүй	Хүн ам	Сонгинохайрхан дүүрэг	Хан-Уул дүүрэг	Баянгол дүүрэг	Баянзүрх дүүрэг	Чингэлтэй дүүрэг	Сүхбаатар дүүрэг	Налайх дүүрэг	Багахангай дүүрэг	Багануур дүүрэг	Орон нутаг
Эрсдэлтэй хөнгөн	ЭНЭҮТ-II	ЭНЭҮТ-II	ЭНЭҮТ-II	Ачтан эмнэлэг	СЗКЭ	Ачтан эмнэлэг	СБД НЭ	НД ЭМТ	БХД ЭМТ	БНД ЭМТ	ЭНЭҮТ-II
Хүндэвтэр	СХД НЭ	СХД НЭ	ЭНЭҮТ-II	БГД ЭМТ Ачтан эмнэлэг	БЗД НЭ, ЦТЭ	СБД НЭ	СБД НЭ	ХӨСҮТ	ХӨСҮТ	БНД ЭМТ	ЭНЭҮТ-II
Хүнд	СХД НЭ	СХД НЭ	ЭНЭҮТ-II	БГД ЭМТ Ачтан эмнэлэг	БЗД НЭ, ЦТЭ	СБД НЭ	СБД НЭ	ХӨСҮТ	ХӨСҮТ	БНД ЭМТ	ЭНЭҮТ-II
Маш хүнд	СХД НЭ, УГТЭ	СХД НЭ, УГТЭ	ЭНЭҮТ-II, ХӨСҮТ	БГД ЭМТ, УНТЭ	БЗД НЭ, ЦТЭ	УНТЭ, ХӨСҮТ	СБД НЭ, УХТЭ	ХӨСҮТ	ЦТЭ	БНД ЭМТ, ХӨСҮТ	ХӨСҮТ
Гемодиализийн тусламж, үйлчилгээ	Цэргийн төв эмнэлэг										
Хавдарт өвчин судлалын үндэсний төв											
Хавдар судлалын үндэсний төв											
Эх, хүүхдийн эрүүл мэндийн үндэсний төв											
Гэмтэл согог судлалын үндэсний төв											
Сэтгэцийн эрүүл мэндийн үндэсний төв											
Арьсны өвчин судлалын үндэсний төв											
Ачтан эмнэлэгт тус эмнэлгийн баг болон шаардлагатай тохиолдолд төрөлжсөн мэргэшлийн чиглэлийн эмнэлгээс баг очиж мэс заслын тусламж, үйлчилгээ үзүүлнэ.											
Бусад төрөлжсөн тусламж, үйлчилгээ шаардлагатай иргэнд лавлагаа тусламж, үйлчилгээ үзүүлдэг төрөлжсөн мэргэшлийн эмнэлэг											